

Ta ser bisa cu nan ta riba bon caminda

Caso asesinato di Poentje Castro no ta sera

DIA 23 di december awor, ta net un aña cu e conocido Poentje Castro a keda asesina na su propio cas. Mucho informacion no ta ser duna di e investigacion, cu manera Ministerio Publico a duna di conoce, ta siguiendo su curso, pero nan no kier duna nada. Ta manera e vocero a declara algun dia pasa na nos, e investigacion ta siguiendo riba bon caminda. Te ey!!

Nos di AWEMainta tambe a sigui busca informacion, y nos por a compronde cu de facto e investigadornan ta riba bon caminda, y nos a ser pidi pa no publica nada, pa no contamina e investigacion. Pa bienestar di e investigacion, AWEMainta ta cumpli cu esaki tambe, pasobra after all, nos tur kier pa husticia castiga

esun(nan) cu ta culpable di e asesinato aki.

Hecho si ta, cu e investigacion ta tumando demasiado tempo, esey t'e reclamo cu nos ta hayando.

Ta di spera, cu asina aña habri, tin mas detaye di e caso di asesinato di Poentje Castro.

